

# 谱述

十五世派孙呈琦卓亭谨撰

从来国有史家有乘故祖父之遗编非谱莫纪子孙之涣散非谱莫萃我族谱 廉宪公开其先 法麓公踵其后时当明季不无沦亡幸高祖匪石公刻藏家谱述 桐山公著有思本记余小子辈得以穷流而溯源乾隆乙卯 堂伯光华等纂修族谱未克要终迨后各房修集支谱我明房有志未逮者久之今遵 堂叔佐清命与廷锦等倡修众皆踊躍爰举珥笔者若孙支衍庆非敢云继志述事也于以承先而启后有不赖此举之竟成也哉